

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-24447/21
Sarajevo, 10.02.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na rekonstrukciji i investicionom održavanju općinskih objekata

I

Okvirni sporazum za javnu nabavku u predmetu – Izvođenje radova na rekonstrukciji i investicionom održavanju općinskih objekata, broj obavještenja 422-1-3-9-3-8/22, objavljeno na Portalu javnih nabavki dana 10.01.2022. godine i u “Službenom glasniku - Oglasnik javne nabavke” br. 2/22, dodjeljuje se ponuđaču „Kolinvest“ d.o.o. Sarajevo sa ponudom u iznosu od 100.205,10 KM bez PDV-a, odnosno 117.239,97 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav (2) tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-24447/21 od 28.12.2021. godine Općina Novi Grad Sarajevo pokrenula je otvoreni postupak javne nabavke za - Izvođenje radova na rekonstrukciji i investicionom održavanju općinskih objekata, broj obavještenja 422-1-3-9-3-8/22, objavljeno na Portalu javnih nabavki dana 10.01.2022. godine i u “Službenom glasniku-Oglasnik javne nabavke” br. 2/22. Procijenjena vrijednost nabavke je 102.564,00 KM bez PDV-a, odnosno 120.000,00 KM sa PDV-om.

Zapisnikom o otvaranju ponuda od 31.01.2022. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: 1. „Oki upravitelj“ d.o.o. Sarajevo, 2. „Kolinvest“ d.o.o. Sarajevo i 3. „Dinalsa“ d.o.o. Sarajevo.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Oki Upravitelj“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.7.2. – „Garancija se ne smije bušiti radi ulaganja uz ponudu već treba biti dostavljeno na sljedeći način:

- originalna bankovna garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja;

- plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude;”

Ponuđač „Oki Upravitelj“ d.o.o. Sarajevo je na stranici br. 25 ponude dostavio garanciju za ozbiljnost ponude br. 1401026881569508, koju je zapakovao u pvc foliju i na vrhu zatvorio naljepnicom, ali na istu nije otisnuo pečat kako je to zahtjevano tenderskom dokumentacijom.

Nadalje, ponuđač nije dostavio prihvatljivu dokumentaciju iz tačke 3.4.2 b) jer je na stranicama 41- 47 ponude dostavio Listu osiguranih lica Porezne uprave broj 13 9/2-12-5-4307/21 od 23.12.2021. godine, a kao krajnji rok za predaju ponuda bio je određen dan 31.01.2022. godine. Dakle predmetni dokaz je stariji od 30 dana računajući od dana utvrđenog kao krajnji rok za predaju ponuda.

Iz naprijed navedenih razloga utvrđeno je da ponuđač „Oki Upravitelj“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. b) i tačke 4.7.2., te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da preostale dvije ponude ispunjavaju formalno-pravne i kvalifikacione uslove tražene u tenderskoj dokumentaciji, te da nemaju računске greške. Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Kolinvest“ d.o.o. Sarajevo (početna cijena u KM bez PDV-a): 100.205,10 i 2. „Dinalsa“ d.o.o. Sarajevo (početna cijena u KM bez PDV-a): 117.782,64.

Tenderskom dokumentacijom u tački 1.5.5. i 5.3. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 09.02.2022. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-9/22 od 09.2.2022. godine, Komisija je utvrdila da nije bilo podnošenja ponuda.

Shodno navedenom Komisija ja dala preporuku za zaključenje okvirnog sporazuma sa prvorangiranim ponuđačem nakon provedene e-aukcije.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

